

BATAKURU PUULUSA HAA E TIITUUSA

¹ Immorde e an min Puulusa, nduu kurkaadu Alla e *sahaabaajo mo Iisaa Almasiihu on toddfii fii tiidzingol gomdfinal ben be Alla subii, adda be e goonga nawraydo e wuuringol no Alla faaliraa non, ² fii yo be hebu tama'u *ngurndan poomayankejan dan, dñun ko dan ngurndan dan fodanoden ko adii saa'iiji din fudfaade, immorde e Alla, on mo faayataa. ³ E saa'i toddfaado on, o banginiri daaluyee makko on waajuuji di mi halfinaa waajagol din, wano kanko Alla Dandoowo en on o yamiriri non.

⁴ Mi salminii ma yo Tiituusa, an oo biddo an tigi e nder gomdfinal ngal hawtusen ngal. Yo Alla Baabaajo on e Iisaa Almasiihu hisinoowo en on yedse yurmeende e buttu.

Fii Golle Tiituusa den ka Suriire Kereeti

⁵ Ko mi accir-maa Kereeti ton, ko fii yo a gaynito fewnitagol ko heddi feewaali kon, joddfinaa kadi e saare kala ardotoofe *moftal ngal, wano mi hollir-maa non. ⁶ Mo kala e mabbe non no haani wonude aaden mo felnaaki, hara ko yondinordo debbo gooto, hara kadi bibbe mabbe ben ko gomdinbe, e maanaa hara be waawetaake toojireede angal peewal maa angal doftaare. ⁷ Awa no haani ka tawata ardotoodo dental ngal felnaaki, ko fii himo halfinaa ardagol beynguure Alla nden, ko dñun wadi si hara hinaa mawnintiniido, hinaa seytinoowo, hinaa

yaroowo, hinaa jaadudo, hinaa dabbiroowo miile, ⁸ kono yo taw ko o wernoowo hobbe, yidudo ko moyyi, nawrudo ngurndan mun dan faamu, feewudo, laabudo, waawudo hoore mun, ⁹ hara kadi ko o catiido e daaluyee haqiiqaajo on, hara ko no yaadiri e ko o jannaa kon, d'un o waaway wakkilinirde heddiibe ben jannde sel-lunde nden, e hollugol liddotoobe nden jannde ben ellaaji mabbe din.

¹⁰ Ko fii buy ko murtube, yewtoobe yewtereiji mehi, daynoobe, tentinii ben wonbe e hakkunde *Yahuudiyankeebe gomdinbe, catii e *sunnine-gol ben. ¹¹ Awa yo kundule mabbe d'en ombe, ko fii hibe jiiba beynguureeji goo fow jannirgol be ko haanaaka janneede fii hebirgol angal nundal. ¹² Goddo e mabbe, mo be wi'i ko annabaajo, no wi'i wonde, be Kereeti ben ko fenoofe, ko be kulle hunyude, reeredube, puybe. ¹³ Nden seeditoore-le ko goonga. Ko dun wadi bee feliraa be no sattiri fii no be hebira gomfinal laabungal, ¹⁴ e no be accira humagol e tindi Yahuudiyankeebe ben, e yamirooje iwrude e yimbe be tawata ko selube goonga on. ¹⁵ Laabube ben kan, ko woni woo no laabani d'un, kono yimbe tu-unube be gomdinaa ben, hay huunde laabanaa d'un, ko fii hakkillaaji mabbe din e berde mabbe d'en no tuuninaa. ¹⁶ Hiibe wi'i ko be andube Alla, kono kuude mabbe d'en no yeddi d'un, ko fii ko be harmube, murtube, be waawataa laatinde kala kuugal moyyal.

Fii no Tiituusa Haani Waajorde Moftal ngal

¹ An non yewtu ko yaadi e jannde sellunde nden kon, ² wi'aa mawbe ben, yo be wonu waawube hoore mabbe, teddintoobe, hara wonaa ubbitoobe, kono hara ko tabitube e gomdinal ngal e nder giggol e njapnaare.

³ Yo woniran non kadi yummiraabe ben, hara jikku mabbe on ko moyyo, hara be wonaali no'oobe, maa yaroobe, be wona e jannugol ko moyyi, ⁴ hara be waajoto sukaabe rewbe ben yidfugol moodibbe mabbe ben e bibbe mabbe ben. ⁵ Hara ko e nder faamu be nawri ngurndan mabbe dan no laabiri, e no be wonira jom-suuduube moyyube, e no be yankinorana moodibbe mabbe ben, d'un haray daaluyee Alla on hoynetaake.

⁶ Yamiraa kadi sukaabe worbe ben nawrugol ngurndan mabbe dan e nder faamu. ⁷ E kala huunde hida haani wonande be misal e wadugol kuude moyye. E nder ko jannataa kon, janniraa nundal e teddungal, ⁸ e yo kongudi maa din wonu selludi, di aybintaako, fii no liddotoobe en ben hersira, tawa be waawataa hebude bone woo mo be wowla en.

⁹ Yamiraa kadi jiyaabe ben yankinanagol jeybe be ben e kala huunde, be dabba no be weltinira be, be reenoo e yeddondirgol e mabbe. ¹⁰ Be reenoo kadi e nguyka, be bangina sellafindeyaagal timmungal, d'un be teddinay gandal fii Alla Dandudo en on.

¹¹ Ko fii moyyere Alla nden, d'un ko bundu kisiyee fii yimbe ben fow, feenii. ¹² Nden moyyere no ne'a en, hinde yulta en e kala ko

Alla ani, hinde accintina en himmeeji aduna, d'fun en waaway nawrude ngurndan men dan fewndo doo e nder faamu e peewal e wano Alla faaliraa non,¹³ e nder ko tijjiden tama'u sollitudo on kon, d'un ko feenugol mangural Alla men on e Dandoowo en on, d'un ko Iisaa Almasiihu.¹⁴ O okkitirii hoore makko kanko tigi fii men, fii sottugol en e kala ko boni, fii labbinangol hoore makko jamaa subaadso, himmando wadugol kuude moyye.

¹⁵ Ko d'un haanudaa yewtude, wakkilinaa, felaa wa newnanaado yamirlgol. Wota hay gooto yawito ma e d'un!

3

Yamiroore fii Wadugol ko Moyyi

¹ Andintin be hibe haani yankinanaade laamuji din e laamiibe ben, be doftoo be, be hebilanoo kala kuugal moyyal. ² Wota be hoynu hay gooto, maa be wona yeddondirteebe, kono be wona moyyube, newiibe e telen-ma yimbe ben fow. ³ Ko fii hari enen kadi ko en faadahakkilbe, be doftotaako, daynaabe, maccube kala himmeeji e mbeleesfe neddanke, wuuru be e nder hunyeendi e nawliigu, ajaabe, e ajindirbe.

⁴ Kono nde Alla, Dandudo en on, feppini moyyuki makko kin e giggol makko ngol o yidi yimbe ben ngol, ⁵ o dandi en, hinaa non bay en wadii kuude feewude, kono ko e iwrude e yurmeende makko nden. O dandiri en lootirgol en tagiteede, heyfintiniree *Ruuhi Seniido on. ⁶ Ko Iisaa Almasiihu, Dandudo en on, Alla tippiniri on Ruuhu e hoore men haa

heewi, ⁷ fii no jogoreden feewube sabu moyyuki makko kin, e fii no waawiren ronirde *ngurndan poomayankejan dan tanyiniiden dan. ⁸ Koo ko mi wi'i doo ko haqiiqa. Mido faalaa yo a cato e dii piiji, fii no gomdinbe Alla ben fewtinira berde mun den e wadugol kuude moyye den. Ko dun woni ko moyyi kon e ko nafata yimbe ben kon.

⁹ Kono ko yo a reeno e yeddotire njofooje den e fii lasilankaaku e poodondiro e yeddondiro fii Sariya on, ko fii dun ko meere, aldaa e nafa. ¹⁰ Kala wadoowo sendondiral, si a hajike mo nde wootere haa laabi sidii, o jabaali, pottin mo takko maa. ¹¹ Hicfa waawi fellitude sifa on neddo ko boyliido, junuubankeejo, on jaawanii hoore mun.

Fii Yamiroore Puulusa Sakkitorde nden

¹² Tuma mi imminoyi oo wi'eteedo Artemaasi maa Tikiiki haa e maa, haray eto araa tawaa mi Nikopooli, ko fii ko don mi aadii wadugol ndungu ngun. ¹³ Wattanaa yiila kadi fii wallytagol oo bambanoowo ka sariya wi'eteedo Zenaasi e Apoloosi, fii wota hay huunde njakkir be e nder yaadu mabbe ndun. ¹⁴ Bee kadi be men ben ekkitoo haa waawa wadugol kuude moyye, fii wattangol yiila e kala sokola hittudo, dun haray ngurndan maabbe dan wonataa meerejan. ¹⁵ Be mi wondi ben fow hiwrike ma. Mi salminii yidube en e nder gomdinai ben.

Yo moyyere Alla nden wonu e hoore mon on fow.

**Version Pular Fuuta-Jallon
The New Testament in the Fouta-Jallon Pular
language of Guinea**

copyright © 2010 Pioneer Bible Translators

Language: Pular

Translation by: Traducteurs Pionniers de la Bible

Contributor: Pioneer Bible Translators

This translation, published by Pioneer Bible Translators, was published in 2011.

If you are interested in obtaining a printed copy, please contact wab.admin@pbt.org.

The translation was completed in collaboration with Christian Reformed World Mission.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 11 Nov 2022 from source files dated 29 Jan 2022

024b8126-79ef-5039-bc54-7d61889f8ae6